

34. stjórnarfundur, 27. ágúst 2014, kl. 8:30

Mætt: Vala Garðarsdóttir, Zophonías Torfason, Helga Árnadóttir, Ragnhildur Jónsdóttir, Davíð Arnar Stefánsson, Nína Síbyl Birgisdóttir, Árdís Erna Halldórsdóttir, Þorvarður Árnason og Tinna Björk Arnardóttir. Steingerður Hreinsdóttir fundaði í gegnum Skype.

Forföll boðuðu: Kristín Hermannsdóttir og Fanney Björg Sveinsdóttir.

Fundarstjóri: Vala Garðarsdóttir

Fundarritari: Árdís Erna Halldórsdóttir

Dagskrá:

1. Tillögur SASS að ráðstöfun sóknaráætlunarþármuna 2014 (Davíð)

Davíð og Margrét Gauja verkefnastjóri Fræðslunets Suðurlands, mættu á fund á Selfossi í síðustu viku þar sem meginmarkmiðið var að fólk myndi kynnast. Næsti fundur verður á Höfn þann 15. september sem ber yfirskriftina „Samráðsvettvangur menntunar og atvinnulífs“. Þurfum fyrir hann að kynna okkur tillögur SASS að ráðstöfun sóknaráætlunarþármuna. Það er u rúmlega 12 milljónir í pottinum sem fara að mestu í menntunarmál. Þorri lagði til að minni hópur innan Nýheima færi fyrst yfir þetta og síðan yrði það lagt undir stjórnina.

Steingerður: Komnar tillögur frá SASS varðandi verkefni og það er búið að ráða verkefnastjóra samráðsvettvangs um menntamál til þess að vinna úr þeim. Mikilvægt fyrir okkur að hafa sem mest input í þessa umræðu.

Ragnhildur bendir á að skólastjórar í Hornafirði eru ekki í þeim hópi sem á að vinna úr tillögunum, aðeins Skólastjórafélag Suðurlands sem skólastjórar í Hornafirði eru ekki aðilar að. Þarf að athuga með fulltrúa frá Hornafirði í hópinn.

Þorri var á samráðsfundi um upphaflegu gerð sóknaráætlunar Suðurlands þar sem lögð voru drög að þeim verkefnum sem ætti að einblína á í sóknaráætlun. Þar voru Vatnajökulsþjóðgarður og Katla Geopark ofarlega á blaði. Nú var hinsvegar lítil úthlutun og því ákveðið að einblína á menntamál, en vonumst hinsvegar til að næstu úthlutanir verði stærri.

Lagt til að Zophonías, Þorri, Ragga, Nína, Davíð og Steingerður fundi um sóknaráætlunina. Davíð boðar á fyrsta fund.

2. Ráðstefnusalurinn: tól og tæki (Þorri)

Salurinn í Nýheimum er ekki mjög vel búinn, en þyrfti ekki að kosta miklu til til þess að vera með gagnvirkar ráðstefnur. Vel útbúinn salur gæfi okkur ákveðið samkeppnisforskat varðandi ráðstefnuhald. Þorri lagði til að Davíð kannáði hvaða búnað þyrfti og hvað hann kostar. Kanná í leiðinni hvað nýr skjávarpi inn í fundarsalinn kostar. Þörf er á að bæta sætin í fyrirlestrarsalnum. Fólk getur ekki setið í þeim lengi í einu.

Zophonías bætir við að oft eru viðburðir í miðrýminu/kaffiteríunni og er full þörf á að bæta hljóðtengingar þar inni.

Helga bendir einnig á að litli salurinn í Gömlubúð er vel búinn og hægt að nota þegar dreifa á fjöldanum. Hann tekur uppb 30 manns.

3. Styrkumsóknir til Vina Vatnajökuls. Framhald af „Brainstorm“ þann 25.8.2014 (Davíð)

Vorum fimm úr stjórninni sem mættum á „brainstorm“ fund á mánudaginn. Davíð kynnti hvaða hugmyndir komu þar upp.

Því hefur verið velt upp að Jöklastígurinn gæti orðið Nýheimaverkefni þar sem margar stofnanir innan Nýheima koma að því verkefni. Sveitarfélagið hefur haft frumkvæði að þessu verkefni og það þarf að finna því fastan farveg. Nýheimar sýna áhuga á að taka verkefnið að sér og næstu skref eru að þau sem hafa komið að Jöklastígnum, Vala, Árdís, Helga, Kristín og Davíð, ræði við sveitarfélagið varðandi mögulegt samstarf um verkefnið.

4. Farið yfir samninginn við ráðuneytið (Tinna)

Tinna ræðir mikilvægi þess að við fylgjum eftir samningnum við ráðuneytið varðandi verkefni Þekkingarsetursins Nýheima. Hluti af samningnum fólst í því að vinna með Skaftárhreppi og stefnr Davíð á að fara á Klaustur á næstu vikum. Rætt um mikilvægi þess að stjórnin hitti forsvarsmenn í Skaftárhreppi til þess að koma á reglulegu samstarfi.

Lagt til að stjórnarmenn Þekkingarsetursins Nýheima fari á brainstorm fund um verkefni Nýheima, t.d. í fundarhúsinu í Lóni. Davíð og Vala finna tíma og stað fyrir fundinn.

Í núverandi samningi fóru 5 milljónir til Fræðslunets Suðurlands, en þar var skýrt tekið fram að um einskiptis aðgerð er að ræða.

5. Önnur mál

Helga kastar því upp hvort stofnanir innan Nýheima hafi áhuga á að vera með verkefni eins og „Meet the locals“ verkefnið fyrir austan. Þetta vakti áhuga og verður skoðað betur.

Fundi slitið kl. 9. 40.

